



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Monetarna kretanja u junu 2023. godine




Monetarna kretanja – juni 2023. godina

Ukupna novčana masa (M2) na kraju juna 2023. godine iznosila je 34,05 milijardi KM, u odnosu na prethodni mjesec registrovan je porast novčane mase za 269,6 miliona KM (0,8%). Porast novčane mase (M2) u junu 2023. godine, rezultat je povećanja novca (M1) za 248,9 miliona KM (1,2%) i kvazi novca (QM) za 20,7 miliona KM (0,2%). Gotovina izvan banaka je povećana za 89,6 miliona KM (1,5%), a prenosivi depoziti u domaćoj valuti za 159,3 miliona KM (1,1%), što je rezultiralo povećanjem novca (M1). Kvazi novac (QM) je povećan usljed porasta ostalih depozita u domaćoj valuti za 38,9 miliona KM (1,4%) i ostalih depozita u stranoj valuti za 18,5 miliona KM (0,3%), dok su prenosivi depoziti u stranoj valuti smanjeni za 36,8 miliona KM (0,9%).

Na godišnjem nivou, porast novčane mase (M2) u junu 2023. godine iznosio je 2,54 milijarde KM (8,1%). Rast je ostvaren kod gotovine izvan banaka za 397,8 miliona KM (6,8%), kod prenosivih depozita u domaćoj valuti za 1,53 milijarde KM (12,2%) i kod prenosivih depozita u stranoj valuti za 685,7 miliona KM (21,4%), uz istovremeno smanjenje ostalih depozita u domaćoj valuti za 52,9 miliona KM (1,8%) i ostalih depozita u stranoj valuti za 17,3 miliona KM (0,2%).

Monetarni agregati

(godišnje stope rasta)
2020 - 2023



Protustavka povećanju novčane mase (M2) na mjesečnom nivou u junu 2023. godine u iznosu od 269,6 miliona KM (0,8%) je smanjenje neto strane aktive (NSA) za 11,7 miliona KM (0,1%) i povećanje neto domaće aktive (NDA) za 281,2 miliona KM (2,0%). Porast novčane mase (M2) na godišnjem nivou od 2,54 milijarde KM (8,1%), rezultat je porasta neto strane aktive (NSA) za 1,22 milijarde KM (6,6%) i neto domaće aktive (NDA) za 1,33 milijarde KM (10,1%).

Monetarni pregled

	Stanje u mil. KM VI 2023	Mjesečne promjene u mil. KM			Godišnje stope rasta u %		
		IV 2023	V 2023	VI 2023	IV 2023	V 2023	VI 2023
Aktiva							
1. Neto strana aktiva	19.539,7	237,0	115,9	-11,7	6,3	5,9	6,6
1.1. Strana aktiva	20.997,4	234,6	81,4	-44,6	4,5	3,9	3,9
1.2. Strana pasiva	-1.457,7	2,4	34,5	32,9	-14,3	-17,1	-22,4
2. Neto domaća aktiva	14.512,7	116,3	62,0	281,2	11,0	10,3	10,1
2.1. Potraživanja od centralne vlade (neto), kantona i općina	274,0	-3,4	58,0	-27,1	-213,4	-168,9	-172,8
2.2. Potraživanja od domaćih sektora	21.818,4	199,3	46,0	331,2	5,1	4,5	5,3
2.3. Ostale stavke	-7.579,8	-79,6	-42,0	-22,8	1,3	4,5	5,9
Pasiva							
1. Novčana masa (M2)	34.052,4	353,3	177,9	269,6	8,2	7,7	8,1
1.1. Novac (M1)	20.335,1	346,8	129,0	248,9	10,9	10,3	10,5
1.2. Kvazi novac (QM)	13.717,3	6,4	48,9	20,7	4,6	4,2	4,7

Kreditni

Ukupni krediti domaćim sektorima na kraju juna 2023. godine iznosili su 22,73 milijarde KM, u odnosu na prethodni mjesec zabilježeno je povećanje od 303,9 miliona KM (1,4%). Kreditni rast registrovan je kod sektora stanovništva za 138,1 milion KM (1,2%), privatnih preduzeća za 147,2 miliona KM (1,6%), kod nefinansijskih javnih preduzeća za 20,8 miliona KM (3,6%) i kod ostalih domaćih sektora za 26,3 miliona KM (14,4%). Smanjenje kreditnog rasta je registrovano kod vladinih institucija za 28,4 miliona KM (2,7%).

Godišnja stopa rasta ukupnih kredita u junu 2023. godine iznosila je 4,7%, nominalno 1,01 milijardu KM. Godišnji rast kredita registrovan je kod sektora stanovništva za 614,2 miliona KM (5,7%), kod privatnih preduzeća za 307,2 miliona KM (3,3%), nefinansijskih javnih preduzeća za 108,7 miliona KM (22,3%) i kod ostalih domaćih sektora za 30,8 miliona KM (17,3%). Smanjenje kreditnog rasta na godišnjem nivou registrovano je kod vladinih institucija za 50,3 miliona KM (4,6%).

Sektorska struktura kredita

	Stanje u mil. KM VI 2023	Mjesečne promjene u mil. KM			Godišnje stope promjene u %		
		IV 2023	V 2023	VI 2023	IV 2023	V 2023	VI 2023
Ukupno	22.726,2	175,0	33,2	303,9	4,6	3,9	4,7
Od toga:							
Stanovništvo	11.383,8	86,1	45,5	138,1	5,7	5,3	5,7
Privatna preduzeća	9.495,5	79,5	16,4	147,2	3,3	2,6	3,3
Vladine institucije	1.041,9	5,5	-13,4	-28,4	-2,4	-2,8	-4,6
Javna preduzeća	595,7	5,8	-30,5	20,8	19,6	14,0	22,3
Kreditni ostalim domaćim sektorima	209,2	-2,0	15,1	26,3	0,8	8,7	17,3

Depoziti

Ukupni depoziti domaćih sektora na kraju juna 2023. godine iznosili su 29,86 milijardi KM, u odnosu na prethodni mjesec depoziti su povećani za 137,8 miliona KM (0,5%). Rast depozita na mjesečnom nivou registrovan je kod sektora stanovništva za 170,8 miliona KM (1,1%), kod privatnih preduzeća za 56,3 miliona KM (0,9%) i kod ostalih sektora za 27,7 miliona KM (1,5%). Depoziti su smanjeni kod nefinansijskih javnih preduzeća za 94 miliona KM (4,7%) i kod vladinih institucija za 22,9 miliona KM (0,5%).

Godišnja stopa rasta ukupnih depozita u junu 2023. godine iznosila je 7,5%, što je u apsolutnom iznosu 2,08 milijardi KM. Godišnji rast depozita registrovan je kod sektora stanovništva za 1,38 milijardi KM (9,9%), kod privatnih preduzeća za 987,3 miliona KM (18,3%) i kod ostalih domaćih sektora za 53,6 miliona KM (3,0%). Kod nefinansijskih javnih preduzeća depoziti su na godišnjem nivou smanjeni za 135,8 miliona KM (6,7%), kao i kod vladinih institucija za 204,3 miliona KM (4,4%).

Sektorska struktura depozita

	Stanje u mil. KM VI 2023	Mjesečne promjene u mil. KM			Godišnje stope promjene u %		
		IV 2023	V 2023	VI 2023	IV 2023	V 2023	VI 2023
Ukupno	29.862,9	142,9	319,4	137,8	9,4	8,4	7,5
Od toga:							
Stanovništvo	15.247,9	110,9	-38,6	170,8	9,6	9,5	9,9
Privatna preduzeća	6.387,9	-9,6	242,1	56,3	18,3	16,6	18,3
Vladine institucije	4.475,4	-25,2	116,3	-22,9	7,4	3,9	-4,4
Javna preduzeća	1.887,1	12,9	28,9	-94,0	-4,7	-4,3	-6,7
Depoziti ostalih domaćih sektora	1.864,5	53,8	-29,2	27,7	2,9	0,7	3,0

Devizne rezerve

Devizne rezerve Centralne banke BiH na kraju juna 2023. godine iznosile su 15,32 milijarde KM. U odnosu na prethodni mjesec zabilježeno je smanjenje deviznih rezervi od 210,1 milion KM (1,4%), dok su na godišnjem nivou devizne rezerve Centralne banke BiH manje za 579,6 miliona KM (3,6%).

U odnosu na prethodni mjesec, glavnina promjene se odnosi na povećanje investicije u vrijednosne papire u iznosu od 118,9 miliona KM (1,8%) i smanjenje depozita kod nerezidentnih banaka za 323,2 miliona KM (4,0%).